

石城縣志

913.733
1043
1

登記號 65151

36年12 23

重修石城縣志序

今

皇上御極之二十有四年粵東

大府纂修省志炳炳烺烺

蔚成鉅典余於閏月之吉

承乏石邑日奉採擇文行
深自虞見聞淺陋不足以
存十一於千百也退而徵
諸舊乘蓋自康熙五十一
年來缺無成書矣最後乃

得喻君寶忠稿本修於乾隆四十一年從而考獻徵文裨殘補闕上應

列憲之勤求下備一方之事實較之散金碎玉一一

自拾於荒烟蔓草中者其
勞逸不迥異耶夫作大事
必以其時石邑雖僻處一

隅

聖化涵濡依然四其民八其政

廁赤畿望緊之列登春臺
而享太牢者風教固無殊
也况一閩之市不勝異意
十步之內必有香草其所
以整齊之振興之於焉鏡

得失而大觀感式人心而
維習俗亦復何限顧忍弗
鳩集長任缺如久且并此
剩本哀朽蟬斷而愈無稽
矣烏乎可學博王君暨邑

中襄事諸君子有同志焉
事以類從收亡集逸提綱
振領刈楚芟蕪五閱月而
告成蓋喻君爲其難余適
因其易又乘奉檄搜採得

爲而爲之時也於是序而
付諸剗劂氏若夫義例之

密體裁之精綴緝之博而

當謂斯志之成碌碌因人

遂足著數十年之昏昏傳

百餘里之恣恣則吾豈敢
嘉慶二十四年歲在己卯
九月上澣 署石城縣事
六安張大凱謹撰



石城縣志

舊志序

縣令 梁之棟

嘗聞邑之有志猶夫國之有史也國有史則朝聘會
同禮樂兵刑之典有所寄邑有志則山川人物官政
田賦之蹟有所考邑志載一邑之事猶之國史載天
下之事皆以垂不朽也所繫詎小小者與余以不敏
承乏石邑心實政拙日切飲冰才薄學淺媿無片善
當簿書追輸之無寧晷而精神亦已敝敝焉又安能
旁及著述爲一邑謀不朽哉雖然文章盛衰關乎世

教廢者有年興亦有候實有迫而不得不應者因集
邑中紳士而議之以爲石邑舊固有志第闕者莫補
斷者莫續因循相待夫是以愈久而愈失矣若不慎
重其舉以之考証詳確斯志亦猶然未備也卽欲砥
世勵志標淑慝於既往昭勸懲於將來庸有當乎是
用偕廣文何先生復延孝廉黎先生暨諸士合相叅
酌重輯續補或遠搜典籍或近採宿耆或仍舊而刪
正其冗差又或取新而增益其未備彙集成書三閱
月而乃告竣焉余竊然而知巍巍其無功也余輾然

而志喜喜其集竣也然其所以得竣者諸紳士之勞
是卽諸紳士共襄之力也能使讀是編者其賢豪有
建功樹猷之想而閭里興士人君子之行是又石志
之幸也余亦惟有爰厥成謀不輟得以日爲夜思初
終不易俯仰質於天人者告無罪已爾寧敢自居其
功而貽羞於世者噫石邑之志誠由此守而勿失墜
有隨舉以至永久可傳其所幸又有不勝言者矣安
論誰得而誰失哉此余之所不敢居功也

邑教諭

何嶠

自時巡不行久矣不聞入疆之轍其得以寫海荒邑
上陳

一人之睿覽俾遠邇咸指掌者所恃普天之下若都鄙
若州若縣夫猶各有誌載版籍存焉爾煙火近借郵
人筆窻窵長邀暵日臨如石城去京甸八千餘里渺
杳羅州地也於秦爲象郡迄漢邛離侯南略若儋耳
安定高雷歷宋齊陳隋廢置無常及李唐後聲教漸
廣文軫日敷輯撫代不乏人至明朝始以隸粵東之
高府蓋自是而衣冠文物行且伯仲中州也茲際梁

侯臨涖厥土公事之暇爲徵聞見於枯木之林爲索
燼餘於兵燹之後購求前編纂修今誌以爲匪惟備
文獻之飭實資政事一助將藉以鏡古昔之得失以
識治行之汙隆以資興觀以供懲勸使閭所紀錄而
如奉

天子以行八疆之鉅典寧非述職第一義乎爰命余叅訂
於其末余竊讀之若建置若疆域若年表若人物若
祀典若風俗物產食貨以及文苑武備雜志所宜仍
者仍之宜刪者刪之宜補者補之或以傳信或以傳

疑猶於審所著述中不忘夏五己丑之遺意卽余亦
何容贊一辭也其誌建置輿疆也攷興革而依時勢
以別利害也其誌年表人物也以臚一日之臧否作
九原而辨從違也其誌祀典也有德於民則祀之有
功於民則祀之能爲民禍福則祀之明有禮樂幽有
鬼神祈報由辟靡不具舉爲民慮者周故爲民而敬
者悉也其於風俗有誌物產有誌食貨有誌所以釐
貞淫覈奢儉以識政教所由施也其於文苑有誌武
衛亦有誌思天下不可以馬上治則彬彬者貴而安